



## **TSHWARELO BAKENG SA HO BA LE SETHUNYA SE SENG MOLAONG YA 2020/2021**

O se fose monyetla ona

# **DITATAISO BAKENG SA TSHWARELO BAKENG SA HO BA LE SETHUNYA SE SENG MOLAONG**

Letona la Sepolesa ka kgatiso ya tsebiso ho Government Gazette, le phatlaladitse Tshwarelo bakeng sa nako ya dikgwedi tse tshetse (6) ho tloha ka la 01 Phato 2020 ho fihla ka la 31 Pherekhong 2021.

Tshwarelo e fana ka monyetla bakeng sa ditho tsa setjhaba ho nehelana ka dithunya le diqhomane, dithunya tse bolokilweng ka ho seng molaong, hammoho le dikarolo tsa dithunya tse seng molaong kapa tse sa batleheng ho South African Police Service (Tshebeletso ya Sepolesa sa Afrika Borwa) ntle le tshabo ya ho fuwa kahlolo ka lebaka la ho ba le thepa e seng molaong.

Sepheo sa Tshwarelo ke ho fokotsa dithunya le diqhomane, dithunya tse bolokilweng ka ho seng molaong, hammoho le dikarolo tsa dithunya tse seng molaong/tse sa batleheng tse matsohong a batho naheng.

Motho ya fanang ka sethunya sa hae nakong ena ya Tshwarelo o tshwanetse ho tlatsa diforomo tse hlokalalang seteisheneng se haufi sa mapolesa mme o tshwanetse ho kopa khopi ya SAPS 548 (foromo ya Amnesty (Tshwarelo)).

**BAKENG SA TLHAHISOLESERING E EKETSEHILENG ITEANYE LE SETEISHENE SA LONA SA LEHAE SA MAPOLESA KAPA O KA LETSETSA SETSING SA  
CENTRAL FIREARMS REGISTER (CFR) HO 012 353 6111  
TLALEHA DIKETSO TSE BOBODU HO 0800 701 701**

Ho ya ka karolo ya 139(4)(a) ya Molao motho ya fanang ka sethunya ho ya ka boikamahanyo le tsebiso e hatsitsweng ho ya ka karolo ya (1) a ka nna a etsa kopo ho ya ka Molao ona bakeng sa laesense mabapi le sethunya sena.

Motho ya etsang kopo ya laesense ya sethunya jwalo ka ha ho bontshitswe kahodimo o tshwanetse ho ikamahanya le dipehelo tse sebetsang tsa Molao bakeng sa laesense ya sethunya tse kenyeletsang tse latelang:

- » tekanyetso ya palo ya dithunya tsa dihlopha tse fapaneng tseo motho a ka bang le tsona ka molao.
- » mokopi o tshwanetse ho ba le setifikeiti se sebetsang sa ho tshwanelehela ho ba le sethunya bakeng sa laesense eo a etsang kopo ya yona.
- » motho ya etsang kopo ya laesense ya sethunya, o tshwanetse hore yena ka seqo a tlise sethunya ho Letona la Tshwarelo le Kgethilweng, le ho etsa kopo ya nakong ya matsatsi a 14.

Ke feela motho eo ka seqo a fanang ka sethunya ho Letona la Tshwarelo le Kgethilweng (Designated Amnesty Official) ya etsang kopo ka boyena e mabapi le sena.

Kopo bakeng sa laesense ya sethunya e tshwanetse ho romelwa ho Letona la Tshwarelo le Kgethilweng le tshwaneleheng le ikarabellang sebakeng seo mokopi a dulang ho sona ka ho tlwaelehileng mme o tshwanetse ho ikamahanya le tse latelang:

- » Khopi e netefaditsweng ya setifikeiti sa ho tshwaneleha sa mokopi (haeba se se se fanwe).
- » Ketsahalong eo mokopi a se nang setifikeiti sa ho tshwaneleha, o tshwanetse ho etsa kopo bakeng sa setifikeiti sa ho tshwaneleha ho ya ka dipehelo tsa Molao.
- » A tlatse foromo ya SAPS 271 eo ho yona mokopi a bontshitseng hore o rerile ho etsa kopo bakeng sa laesense e qollehileng ya sethunya. Kopo ya laesense ya sethunya e tla amohelwa feela ke Letona la Tshwarelo le Kgethilweng ho latela boikamahanyo le pehelo ya Molao.
- » A fane ka lebaka le akaretsang le tshehetsang tlhokeho ya laesense ya sethunya (ho ka ba molemo ha sena se ka ba sebopehong sa polelo e etswang tlasa kano kapa netefatso).
- » A fane ka khopi e netefaditsweng ya laesense ya sethunya e molaong, tumello e sebetsang mabapi le sethunya se qollehileng (haeba ho sebetsa).